



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De Prophetis, qui cædem admiserunt, ac Deo placuerunt. cap. xxiii.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

Voluntate agitata, Variam ac multiplicem Vniuersitatis gubernationem comprobant: **P** quippe cum rerum omnium author propriam cuique rerum generi ac distinctam quandam naturam structuram attribuerit.

Quod in cognationibus sunt parentes erga liberos, hoc rex erga ciuitatem est, & Deus erga mundum.

Nescis homo, quidnam tibi conducatur. Itaque sepe numero noxia & periculosa petis. At ille, qui maiorem, quam tu, salutis tue curam gerit, non ad petitionem tuam animum attendit, sed ante petitionem id quod ex utilitate tua est, ubique circumspicit. Nam cum carnales patres petentibus filiis non omnia tribuant, non quod petentes contemnant, sed quod maiori eorum cura afficiantur, multo magis eodem modo se gerit Deus, ut qui & vehementius nos amet, & id quod nobis expediat, exploratius, quam vniuersi mortales, habeat. **G**

Didymi. Ille rerum omnium architectus, omnium eorum, qua ratione vtuntur, arcana perspecta habens, rebus omnibus prospicit, ac non eorum duntaxat, quorum emendationem prænoscit.

Deus omnia pro sua bonitate fabricatus, rerum omnium curam gerit: non eorum, quibus prospicit, dignitatem intuens, sed suam ipsius misericordiam, ac bonorum largitionem.

De prepostera affectione & solitudine: & quod nulla in re preposterè affici debeamus. **CAP. XXII.**

**H**

Cant. 5. **G**o dormio: & cor meum vigilat.



Sollicitudo præmaturam senectutem affert.

Mat. 6. Ne solliciti sitis animæ vestræ, quid manducetis aut quid bibatis: neque corpori vestro, quid induamini. Nonne anima plus est quam esca, & corpus plusquam vestimentum? Respicite volatilia cœli, quoniam non ferunt, neque metunt, neque congregant in horrea: & Pater vester cœlestis pascit illa, &c.

1. Cor. 7. Tempus breue est. Reliquum est, ut qui habent uxores, tanquam non habentes sint, & qui gaudent, tanquam non gaudentes, & qui flent, tanquam non flentes, & qui emunt, tanquam non possidentes, & qui vtuntur hoc mundo, tanquam non vtantur. Præterit enim figura huius mundi. **I**

Nili. Perfecti animi est cura vacare: impij autem, curis obteri. Etenim de perfecto animo dictum est, Liliū est in medio spinarum. Hoc autem curarum vacuitatem significat. De ijs autem, quos ingens rerum huius vitæ cura afficit, Scriptura dicit, Omnis vita impij in solitudine est.

Animo ab immodico affectu libero facultates suas quemque administrare oportet, atque oborto aliquo detrimento non stomachari & agrè ferre, atque acquirendi cupiditate flagrare. Siqui dem Dominus nos ab immodico possessionum amore, ac præpostero omni affectu abscedere iubet. **K**

De Prophetis, qui cedens admiserunt, ac Deo placuerunt. **CAP. XXIII.**

Exod. 32.



**T**ETIT Moyses in porta castrorum, & ait, Si quis est Domini, iungatur mihi. Congregatique sunt ad eum omnes filij Leui: quibus ait: Hæc dicit Dominus Deus Israël, Ponat vir gladium super femur suum: ite & redite de porta vsque ad portam per medium castrorum, & occidat vnusquisque fratrem, & amicū, & proximum suum. Feceruntque filij Leui iuxta sermonem Moysi, cecideruntque in die illa quasi viginti tria milia hominum.


Phinees,

**A** Phinees, filius Eleazari filij Aaron sacerdotis, surrexit de medio multitudinis, & arrepto pugione ingressus est post virum Israëlitam in lupanar, & perfo- *Num. 25.*  
dit ambos simul, virum scilicet & mulierē in locis genitalibus. Cessauitque pla-  
ga à filiis Israël, & occisi sunt viginti quatuor millia hominum. Dixitque Domi-  
nus ad Moysen: Phinees, filius Eleazari filij Aaron sacerdotis, auertit iram meam  
à filiis Israël: quia zelo meo commotus est contra eos. Idcirco, ecce do ei pacem  
foederis mei, & erit, tam ipsi quam semini eius, pactum sacerdotij sempiternum,  
quia zelatus est pro Deo suo, & expiauit scelus filiorum Israël.

Dixit Samuel: Adducite ad me Agag regem Amalech: & oblatus est ei Agag *1. Reg. 15.*  
pinguissimus, tremens. Et ait Samuel, Sicut fecit absque liberis matres gladius  
**B** tuus, sic absque liberis erit inter mulieres mater tua. Et in frustra concidit eum  
Saul coram Domino.

Dixit Elias, Apprehendite prophetas Baal, & ne vnus quidem effugiat ex *2. Reg. 18.*  
eis. Quos cum apprehendissent, duxit eos Elias ad torrentem Cison, & interfecit  
eos ibi.

*De præscientia Dei: & quòd res occultas & incertas ipsi relinquere oporteat.*  
CAP. XXIIII.

**C**  VAE occulta sunt, Domino Deo nostro: quæ autem aperta *Deut.*  
sunt, nobis & filiis nostris in seculum: ad faciendū omnia ver-  
ba legis huius. Deus scientiarum Dominus, & Deus præ-  
parans adinventiones.

Confilia spiritus vestri ego scio.

Priusquam te formarem in vtero, noui te: & antequam ex- *Ezech. Hier. I.*  
res de vulua, sanctificauit te, & prophetam in Gentibus dedi te.

Vidit Iesus Nathanaël venientem ad se, & dicit de eo, Ecce verus Israëlita, in *Io. 1.*  
quo dolus non est. Dicit ei Nathanaël, Vnde me nosti? Respondit Iesus, & di-  
xit ei, Priusquam te Philippus vocaret, cum esses sub ficu, noui te. Respondit ei  
Nathanaël, & ait, Rabbi, tu es filius Dei, tu es rex Israël.

**D** *De Prophetis, qui reges liberè obiurgarunt.* CAP. XXV.

**D**IXIT Samuel ad Saul: Stultè egisti, nec custodisti mandata Domini *1. Reg. 13.*  
Dei tui, quæ præcepit tibi. Nequaquam regnum tuum vltra con-  
surget.

Vt audiuit Ahias sonitum pedum eius introëntis per ostium, ait, *3. Reg. 14.*  
Ingredere vxor Ieroboam: ego missus sum ad te durus nuncius.

Dixit Achab ad Eliam, Tūc es ille qui conturbas Israël? Et ille ait, Non e- *18.*  
go turbauit Israël, sed tu, & domus patris tui, qui dereliquistis mandata Domini,  
**E** & secuti estis Baalim.

Locutus est angelus Domini ad Eliam, dicens, Descende cum eo, ne timeas. *4. Reg. 1.*  
Surrexit igitur, & descendit cum eo ad regem, & locutus est ei, Hæc dicit Do-  
minus: Quia misisti nuncios ad consulendum Beel-zebub Deum Accaron, qua-  
si non esset Deus in Israël, à quo posses interrogare sermonem, ideo de lectulo,  
super quem ascendisti, nõ descendes, sed morte morieris. Mortuus est igitur iux-  
ta sermonem, quem locutus est Elias. Dixit Eliseus ad regem Israël, Quid mi- *31.*  
hi & tibi est? Vade ad Prophetas patris tui, & matris tuæ. Et ait illi rex Israël,  
Quare congregauit Dominus tres reges hos, vt traderet eos in manu Moab? Di-  
xitque ad eum Eliseus, Viuit Dominus, exercituum, in cuius conspectu sto,  
quòd si non vultum regis Iudæ erubescerem, non attendissem quidem te, neque  
respexissem.